



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 2. De qua[n]titate Europae nouae.

urn:nbn:de:hbz:466:1-13147

gnant infideles, & à Mahumeti lege alienos.

Quartum est Dzinzis, vox plane Turcica quæ *Paganum* sonat; sic enim nos maioris contumelie caussâ vocant Ottomani, dum se à nobis audiunt infideles appellari.

Reliqua nomina ut *Giaour Ayameia* quorum meminit Theuctus homo fidei profligatae, non sunt propria nomina, sed maledicta quæ in Christianos effutiunt, dum eos *Canes* vocant, & prorsus indignos qui suis sacris intersint.

§. 2. De quantitate Europæ Nouæ.

TACEO hîc figuram *Amazonis*, vel *Regine* quas inuehunt aliqui otiosi, cuius caput cristatum vel coronatum *Hispânia* exhibeat, *Francia* pectus, ventrem *Germania*, *Anglia* leuam manum, dextram *Italia*, *Gracia* prominentem pedem, regna *Hungariae*, *Poloniae*, cum parte *Ruſia* fluentem togam, Arctoa denique regna sellam cui insideat *Regina*: nam hæc ægrotantium somnia. His itaque prætermisssis,

LATITVDO Europæ desumitur à Pro. Tænario, vulgo *de Guaglia*, aliter *des Cailles*, latitudinis 34. cum dimidio ad Boreale Prom. le Cap Norkim in Noruegia latitudinis 72. cum dimidio, ac proinde 39. gradus continet, qui ampliati per 15. aut 30. aut 60. reddunt Leucas Germanicas 475. Francicas 840. Italica millaria. 1680.

LONGITVDO ducitur à Sacro Pro. le Cap de S. Vincent, longitudinis 10. latitudinis 36. cum dimidio 81. latitudinis 51. quæ distantia ad maiorem circulum reuocata dat 50. gradus cum minutis 9. qui decies quinquies, aut trigesies, aut sexagesies ducti redundunt Leucas Germanicas 752. Francicas 1504. Italica millaria. 3009.

§. 3. De qualitate Europæ Nouæ.

QVATVOR virtutes etiam Sarraceni in Europâ notant, quod sit feracissima, quod incolas nutriat pugnaces, quod Religiosos, quod Orbi regendo pares.

FERACISSIMA est, nullaque est inter regiones Europæ eius vberitas non laudetur. Ut enim cultiores taceam, *Italianam*, *Graciām*,